

TRATU KU MAESTRONAN FALSU

Lès 12 pa Sèptèmber 19, 2026




“ Pasombra e armanan di nos
guera no ta karnal, pero tin
poder pa destruí fòrtinan ”
(2 Korintionan 10:4, ESV)



Pablo a hasi esaki su mishon pa keda konstantemente informá tokante di tur e iglesianan. Pakiko? Pa sa si nan tabatin nesesidat di kualke yudansa, un bishita, un poko konsuelo, òf un palabra di enkurashamentu (2 Kor. 11:28).

Algun bes é tabata wòrdu informá di maestronan falsu kende tabata kousando e fielnan pa trompeká. Ora ku esaki sosodé, e apòstel tabata wòrdu yená ku indignashon (2 Kor. 11:29).

Na final di su di dos kata na e Korintionan, Pablo ta dirigí e problema di e maestronan falsu aki. Kon nos lo por identifiká nan? Kon nos lo por batayá nan den e guerra spiritual aki? Kon nos lo por vense nan?



Guera spiritual:

- E armanan pa atake (2 Korintionan 10:1-11)
- E defensa korekto (2 Korintionan 10:12-18)



Tratando ku maestronan falsu:

- Gañadónan desfrasá komo apòstelnan (2 Korintionan 11:1-15)
- Pablo i e maestronan falsu (2 Korintionan 11:16-31)
- Eksaminashon propio i viktoria (2 Korintionan 12:14-13:10)



GUERA SPIRITUAL





E ARMANAN PA E ATAKE




“ Pasombra e armanan di nos guera no ta karnal pero tin poder divino pa destruí fòrtinan ” (2 Korintionan 10:4)

Pablo a wòrdu akusá di ta kobarde i inabil komo persona, ounke el a papia gròf den su kartanan (2 Kor. 10:10).

Komo kontesta na e argumentu aki, Pablo a indiká klaramente ku el a sinti kapas pa ta mes severo den persona komo den un karta, pero ku é lo no bùig na huza “ armanan karnal ” (manera outoritarianismo, kastigu físiko, òf alabansa propio), pero lo huza solamente armanan “ poderoso den Dios ” (2 Kor. 10:2-4).

E “ armanan ” aki ta inkluí aktuando ku e humildat i sumishon di Kristu (Mat. 11:29). Pero tambe nan ta involví para firme kontra di maldat, manera Hesus a hasi (Mat. 21:12-13), òf papia klaramente ora ta nesesario (Mat. 23:23-27).



Pablo su outoridat a wòrdu duná na djé dor di Kristu, i é lo huza esaki semper pa edificá, no pa destruí (2 Kor. 10:8).



E DEFENSA KOREKTO

" Pasombra no t'esun ku ta rekomendá su mes ta keda aprobá, pero esun ku Señor ta rekomendá " (2 Korintionan 10:18)

Filósofonan Griego a kobra kantidatnan grandi na studiantenan kende tabata kier a siña for di nan. Pa atraé e studiantenan aki, nan a gaba di nan konosementu, nan posishon soshal, òf e hendenan importante kende tabata konosé i tabata respetá nan. Esaki tambe tabata e práktika di e maestronan falsu kende a infiltrá Korinto (2 Kor. 10:12; 11:19-20).



Pero Pablo no a kobra pa kompartí su konosementu, é no a presentá kartanan di rekomendashon, i é no a gaba(broma) tokante di su mes. Y el a wòrdu despresiá pa esaki! Kon é por defendé su mes?


Ta parse ku é mester a wòrdu alabá dilanti di e Korintionan pa wòrdu aseptá dor di nan. Pero no tabata é kende mester a alabá su mes (Prov. 27:2). Pablo a laga Dios ta Esun pa alab'é (2 Kor. 10:18).


Si tin kualke kos ku nos por broma di dje òf elogiá nos mes p'é, esaki ta konosé Dios i obedes'Éle (Jer. 9:24; 2 Kor. 10:17).



No alabá
bo mes

Laga Dios
alaba nos





**TRATANDO KU
MAESTRONAN
FALSU**

GAÑADÓNAN DISFRASÁ KOMO APÒSTELNAN

" Pasombra hòmbèrnan asina ta apòstèlnan falsu, trahadónan engañoso, kendenan ta disfrasá nan mes komo apòstèlnan di Kristu " (2 Korintionan 11:13)



Pablo ta desea pa trese un iglesia puru na Kristu (2 Kor. 11:2). Pero e iglesia tabata den peliger di wòrdu engañá, manera Eva, i stòp di ta e brùit di Hesus (2 Kor. 11:3).

Kiko tabata e peliger real? Hudiunan kende a rekomendá(elogiá) nan mes komo " gran apòstèlnan " di Hesus a bini na Korinto siñando " un otro Hesus," " diferente spiritu, " i "diferente evangelio ". (2 Kor. 11:4-5; Gal. 1:8).


E echo ku un hende ta prediká tokante di Hesus no ta nifiká ku nan ta musta nos e Hesus real, manera E ta revelá den e Beibel. Nan palabranan lo por ta maraviyoso, pero Satanás mes tambe sa kon pa papia maravíanan i presentá su mes " den un angel di lus " (2 Korintionan 11:14).



Pa medio di nan akshonnan i palabranan, maestronan berdadero ta siña " e bèrdat di Kristu " (2 Kor. 11:9-10). Pero maestronan falsu, kende ta fingi piedat, ta ministèrnan di desepshon disfrasá komo apòstèlnan (2 Kor. 11:13-15).

PABLO I E MAESTRONAN FALSU

"Nan ta Hebreo? Ami tambe. Nan ta Israelita? Ami tambe. Nan ta Abraham su desendientenan? Ami tambe." (2 Korintionan 11:22)



Ki similaridatnan tabatin entre Pablo i e maestronan falsu? Nan tur tabata Hudiunan konbertî na Kristianismo (2 Kor. 11:22).

Kiko tabata e diferensianan entre nan? Aki Pablo su lokura ta kuminsá: "Nan ta sirbidónan di Kristu? (Mi ta loko pa papia asin'aki.) Ami ta mas" (2 Kor. 11:23 NIV). Si e otronan aya a gaba di a sufri pa Kristu, Pablo tabata muchu mas kualifiká: sutá; enkarselá; menasá ku morto; piedrá; noufragá na laman; hundi den peligernan di tur sorto; eksperensiando hamber, set, friu, i desnudes; preokupá konstantemente pa e iglesianan (2 Kor. 11:23b-29).

Y aki Pablo su "lokura" ta kaba." E no kier a duna e impreshon ku é tabata desea pa gaba tokante di loke el a hasi pa Kristu. Su berdadero bromamente (òf gloria) tabata loke Kristu a hasi p'é.




Su forsa berdadero ta butá den su debilidat, kual a gui'é pa dependé completamente riba Hesus (2 Kor. 11:30-31; 12:6-10).

EKSAMINASHON PROPIO I VIKTORIA

"Saminá boso mes pa wak si boso ta den e fe; tèst boso mes. Boso no ta realisá ku Kristu Hesus ta den boso — a menos, di bèrdat, boso a faya e tèst?" (2 Korintionan 13:5)

E tempu tabata serkando ora ku Pablo lo bishitá Korinto. Kiko lo é haña i kon é lo mester aktua di akuerdo? (2 Kor. 13:1-2).



Pablo tabata prepará pa praktiká disiplina eklesiástiko forsosamemte: pa restourá e repentido, i pa kastigá e kabesura(kaprichoso).

Su temor tabata ku, yegando einan, é lo haña nan den desakuerdo i varios pikánan. El a teme di tin ku yora pa pekadornan no repentí (2 Kor. 12:20-21).

Pesei, promé ku e tempu ei bini, e Korintionan mester reflektshoná i eksaminá nan mes (2 Kor. 13:5).

Pablo, pa su parti, a hasi orashon pa nan stòp di hasi maldat i hasi bon, i pa wòrdu perfekshoná (2 Kor. 13:7-9).



“ E pueblo di Dios ta wòrdu dirigí na e Skrituranan komo nan salbanguardia kontra di e influensia di maestronan falsu i e poder engañoso di spiritunan di skuridat. Satanás ta utilisá tur posibel invento(plan) pa prevení hende di optene un konosementu di e Beibel; pasombra esaki su ekspreshonnan simpel ta revelá su engañosan(desepshonnan). Na tur revivamentu di Dios Su trabou, e prínsipe di maldat ta wòrdu lantá(provoke) na mas aktividat intenso; awor é ta buta padilanti su esfuersonan ekstremo pa un lucha final kontra di Kristu i Su siguidónan. [...] Asina di aserka e falsifikashon lo parse esun berdadero ku lo ta imposibel pa distingí entre nan eksepto dor di e Skrituranan Santu. Pa medio di nan testimonio tur deklarashon i tur milager mester wòrdu di tèst.”